

舞陽縣志卷之六

風土志

知縣王德瑛纂修

風俗有百里之不同舞俗淳樸因其勢而利導之致治無難物
土之宜雖無奇材異產皆百姓日用之需焉志風土

風俗

舊志引漢書云潁川人尚忠其俗樸野隋書云土習謹愿民俗勤
勞其風皆變於古南陽志云土沃民淳俗尚禮義舊風不改男耕
女織婚喪相恤歷次舊志云南山之民多粗北舞之民多細城郭
民近文東西民近質雜而不純又云農好稼穡務本業士夫質素
舞陽縣志

卷之六

風土

一

盛暑不張蓋城市不乘車馬又云尚巫史崇淫祀合邑無祖先祠
堂四時多祭於墓又云家無餘貲用度奢侈數頃之家無一年之
蓄則俗之大概可見矣

正月元旦祀神祭先競然爆竹宗族親友鄉黨彼此拜賀自元旦
至上元無虛日立春前一日演春迎芒神於東郊設春宴啖春餅
咀菜菔競看春牛以芒神占歲旱澇上元祀神祭先供設湯圓米
茶麪燈理燈市放炮火笙歌歡呼徹夜名曰鬧元宵社會中演竹
馬紙船龍燈諸戲十六日夜尤盛

二月二日農家試牛種藝擊屋梁以避蛇蝎鄉俗多以是日爲吉

日凡入學出行修造不閱時憲畫而竟爲之

三月三日簪薺花架鞦韆放風鳶清明日墓祭插柳於門或佩帶之攜觴踏青穀雨家貼符除諸毒

四月八日浴佛會演戲祀關聖帝於南關自朔至期邑人少長咸集歡歌飲於其處

五月五日裝紙船襪瘟懸艾豎符飲雄黃酒食角黍銜蟾墨採百藥追節會宴

六月六日曝書曬衣至伏日造麩釀醬

七月七日乞巧十五日謂之中元拜墓然燈次日然路燈以襪無

舞陽縣志

卷之六

風土

二

祀

八月十五日具瓜果餅茗祀月聚飲玩賞

九月九日登高飲茱萸酒賞菊

十月一日祭墓焚寒衣家烹油餅犒農人

十一月冬至日景返食餛飩拜謁賀節畧如元旦儀

十二月八日食臘粥小兒剃頭二十三日以飴糖祀竈神次日掃舍宇自是日以後至歲除嫁娶無忌除夕貼門神桃符飲酒辭歲爆竹聲達旦有徹夜不眠者謂之守歲

厚風俗告示附

特調舞陽縣正堂加六級紀錄十次王 爲詳切曉諭以厚風俗
事照得本縣莅任茲土已三載有餘境內民風淳樸頗爲嚮化而
陋習相沿節經諄諄訓飭 往往拘泥因循而不肯卽改合再逐
款開列剴切申諭各宜遵照毋違特示

計開

一孝弟之道首宜敦勸本縣於三八放告之期宣講
聖諭廣訓每次必先講首條敦孝弟以重人倫並刊送多本又所
刊 文昌孝經註養正編讀曲禮內則等書勸孝最詳爾等紳
士爲齊民之倡父老爲子弟之 各宜勤加訓誨使之油然而發

舞陽縣志

卷之六

風土

三

其孝弟之心盡其固有之性毋得視爲虛文

一本縣聽訟之時見有不讀書之人往往不知其祖父之名甚至
身列膠庠詢以昭穆親疎亦多茫然爾紳民各有子弟當於
蒙之時卽詳告以祖父名字 歷創 艱難及本族昭穆遠近
使之興追連之心知睦族之

一父母在堂兄弟分家儒者尙以爲恥今乃有父子分家者再傳
一代父子又分家則是祖孫父子均已分家甚或子孫爭訟牽
扯祖父出來祖父從而偏租全不像一家骨肉似此凋風尙何
能與之講求孝弟愚民不以爲怪紳士豈可效尤更宜化勸族

鄰共敦孝義

一閭族有祖塋如果支派無多原可挨次列葬及至子又生子孫又生孫族大丁繁豈能聚葬於一邱自應分塋卜葬乃有不明禮義之人以另葬者謂之拔墳遂視爲疎遠甚有謂承繼者定宜葬於嗣父腳下不准拔墳長子亦不准拔墳偶有違者非阻撓攔葬卽妄起訟端更有外姻異姓之人謂不令其姑母祖姑母葬於老塋亦從而插訟此等愚昧之見切宜痛改

一律載托故停柩經年不葬者杖八十舞邑親喪不葬者甚少而無嗣停柩者尙多以一時無可繼之人謂無承重者難於出帖遂致停擱經年 顧律禁不知死者以入土爲安繼嗣儘可緩議父可以葬其子兄可以葬其弟妻可以葬其夫何必定令嗣子出帖他日妥爲立繼九原自當瞑目若拘泥遷延每致不便至於有子而無長孫有孫而無長曾孫亦相率拘泥尤爲無理之至不孝之甚

一律載民間喪葬之事有聚集演戲者杖一百舞邑民風儉樸獨至親喪稍在有餘之家每多演戲古人謂喪事稱家之有無可見盡哀盡禮不在觀美一切儀文之末原不必拘泥講究况乎演戲違例顯干罪戾至於圖好看而致傾家產貽憂地下大爲

不孝此理尤不可不知也

一無子立嗣應繼愛繼只要倫序不失均准承繼卽或獨子承繼兩門彼此情願亦准雙祧况無子之人全靠繼子相依爲命若應繼之人非其所愛強爲立繼何以相安故定例擇賢擇愛聽其自便如勒令承繼者官爲懲治可見立繼全在無子之人自主不能以應繼相爭乃有無恥之徒圖產棲繼混行爭鬧甚至阻殮阻葬勒索瓜分此等刁風一經到官無不從重處治又有愛繼賄了產業又爭令應繼者分賄一分或指出一人無後強令一人承繼或自己無後強要人子承繼或爭論出繼者之子

孫不准再回本門承繼或爭論本門無後必應出繼者之子孫回來承繼或謂長門無後先儘二門承繼不准三門四門越繼種種皆非情理均當按例懲辦

一異姓亂宗例禁褻嚴乃民間陋習因無子嗣不問本族有無可繼之人輒抱異姓幼孩爲子且有一繼子一義子者更有年壯時先收義男後又生子故有兩子中一義子者或三四子中一義子者冒昧從事流弊無窮或本身故後而子孫爭訟或未故而父子乖離甚至有爲義子謀婚姻寫契據於女家謂產業義子賄半親生一子兩子共賄一半偏愛顛倒無過於此常見告

官歸宗之義子每有究逐後而仍回滋鬧訛索不休竟成附骨之疽此皆不慎於始致貽數世無窮之大累爾等嗣後慎毋輕意妄作

一家之興衰其端多起於婦女全賴爲父爲夫者隨事隨時以教之若一味姑息必至上不孝翁姑下不和妯娌甚有女回母家妄說夫家是非兩家生起衅隙爭鬪成訟貽笑鄉鄰爾等何不謹之於始養女者要從少教訓娶妻者當初來防閑慎無姑息致貽後悔

一鄙俗每多痛愛女兒不知痛愛媳婦男人還好女人犯這病的多讀書人家還好小戶人家犯這病的多童養媳婦年輕只可隨時教導那堪任意凌虐試思爾疾病喪祭件件都是媳婦的事女兒那能靠得到老爾等紳耆務以此訓導族鄰使皆姑慈婦順不但免得親戚爭吵省得獄訟煩惱且可期家道興旺矣

一幼兒夭亡宜卽掩埋使骸肉歸土方爲父母之心乃有一種愚民自己親生子女遇有病殤謂之偷生鬼將其屍骸殘毀拋棄荒郊以充狼犬之腹謂自此可免再來托孕又有頭生兒女病殤必要拋棄不葬謂以後再產者皆得長生此等居心實爲殘忍查律載毀棄子孫死屍者杖八十除飭地保查稟挈究爾等

宜早自改悔

一子弟讀書不宜惜費舞邑向不請遠方名儒教其子弟家自爲師愈趨愈下其有知讀書之法堪膺教授則又及門二三十人闕然一堂無從循循善誘推原其故總由於脩脯不厚所以不能延請名師如此因循無惑乎文風不盛科甲不興雖有美才不能上達眞爲可惜至讀書之法雖經本縣隨時諭飭然總不若以厚脯請名儒爲有效也

一男女不可無別禮記上說姑姊妹女子子已嫁而返兄弟弗與同席而坐弗與同器而食同胞兄妹尙且如此何況他人近世

舞陽縣志

卷之六

風土

七

鄙俗婦人於其母家不問遠近親疎於其夫之弟姪以及晚親不問年之長幼見面不避談笑無忌更有繼娶者以前妻之母家爲母家作妾者以嫡妻之母家爲母家時常往來不以爲嫌又有新婚婦人姑家姨家乾娘家迎接去住謂之搬親又有一種婦人與無干之親戚習見之街鄰呼喚之僱工奴僕雜處間談毫無顧忌此等雖無淫邪已屬不雅况有醜聲者乎讀書紳衿年長耆老不可不以此切誡家人也

一鄉 農人又有每不經心之事加農忙之時閤家赴地工作畱一女守門以及炎暑天氣男眠於街女眠於院往往鬧出事端

此等不可不知不可不防也

一地力宜盡春田宜於年前秋後耕起使受雪澤而舞民則但知春耕高糧穀子最少應鋤五遍而舞民則最多三遍麥地豆地皆宜鋤一二遍而舞民則絕不加鋤窪下受水之地每年只種麥子一季若好地則割麥種豆次年種秋最少兩年三收而舞民則好地亦多一年一收地膏工少最爲可惜羅寨辛安等保開種山地之客民頗知勤勞爾等應以爲法

一種地全靠糞水糞字下加一水字是必藉水力者須浸泡之日久則其力大舞民剷取草泥謂之末子堆積乾糞謂之鋪糠雖亦用水浸而其時甚少甚不得力積糞之法莫善於養豬青草漚糞亦須藉豬力負筐擔簍撿拾雜糞亦佳豆葉穀穰麥糠力爲薄矣

一溝洫宜講古者溝洫之法今多不行舞邑近山各保及地勢高爽之保分向不患水修治亦易惟唐河澧河沙河之南北岸各保亟宜講明溝洫而北舞渡以南澧河店以北尤要凡有卑窪之地宜於白家地邊各挑一二尺寬小溝使水小則有所存受水大則由小溝流入大溝可期水患永除矣

一道路宜修道路泥濘車馬必糟蹋田禾地主或橫挖深溝以阻

之而車馬又轉出溝外終難遏止何不將路傍開出溝渠以溝內之士墊路路高則不存水渠通則可蓄水既可以減積澇並可以利行旅只要各修地界其極低窪者每年只修墊一尺三年則一律高坦矣

一修補河堤險工及堵築決口凡有漫水經過之處卽應出夫幫修而舞民往往執定往規謂本保向未幫修明知受害故作推諉如澧河廟潭決口寬僅百餘丈自道光二年至十一年延擱十年之久屢次興訟總未堵築迨本縣莅任剴切勸導親臨督催始得修築完竣堤身高五六尺至八九尺不等是年夏秋卽

有盛漲而水不漫堤農民皆得安居樂業試問前次興訟赴府赴省之盤費及連年被淹地內少獲之籽粒孰得而孰失耶拘泥則均受其害協力則易於成功現在各河險堤有興訟到案延不幫修者有已議妥而未卽修築者均當以廟潭決口爲戒
日興工慎毋再事觀望

一河堤宜種草栽樹可以固堤可以制水查澧河沙河各堤均屬不毛堤身易致刷陷殊不足以保護該地保等務須傳諭各堤主在於堤頂堤根徧種淮草茅草其近水之處須多種葦荻並察看土性栽植荆柘檉柳襍木至柳樹尤爲易生之物種卽

成活遇水漲堤險之時割一柳以倒掛堤根即可殺水之勢一面集夫搶廂不致有潰決之虞此實固堤防患之便法不可不知

一 天地自然之利莫過於種樹十年之後便可長成直者爲材曲者爲薪何等便宜除每歲添栽路柳爾等宜各於屋角地頭及僻閒處所廣栽樹木以資利益毋得怠惰偷安

一 境內南鄉地少山多若能種樹養蠶其利必厚本縣莅任之始爲民代謀生計曾經勸諭栽樹嗣經週歷巡查見羅寨辛安等保山勢廻環處處連而不斷向來南山以捻匪窺伺爲慮設遍

山皆叢林密菁易於藏奸亦不爲宜是以中止至於開化港河等保山勢之有起有落並非連環不絕者匪徒不能潛跡與羅寨等保情形不同仍宜栽樹養蠶可以常年收繭南召魯山有開蠶坡之蠶師其法極簡雇令種橡養蠶三兩年後收利無窮矣

一 積貯不可不講中稔之年總當畱下餘糧以裕蓋藏若遇豐收之年積粟更便以後雖有凶荒可免飢餓萬不可全行出糶到荒年便要受餓嘉慶十八年的光景爾等須刻刻在心又玉蜀秫其穗俗謂之棒去粒之棒磨麩可食於備荒最宜及早貯存

不費一錢勝於挖野菜煮棉棗矣

一居貨曰賈行貨曰商舞民但知坐賈不知行商離家一日便以出門爲難竟不知行商爲何卽坐地貿易如花布煤糧各行戶尚有本境人充當餘則全係西商喧客奪主銀錢全被他人賺去地土全被他人買去所以然者舞民習安逸而不好勤勞圖小利而不顧久遠知是而返之則富可致矣

一查報節孝現奉 藩憲飭照江蘇請建總坊之例頒示條款式樣並禁革需索冊費凡貞節婦女無論遠近年分只要年例相符均得呈報詳辦舞邑現已查報二百二十六人均係苦節可

嘉毫無冒濫嗣後如再訪有貞節仍當隨時呈報慎毋知而不舉致令湮沒不彰至現存節婦年例尙未相符者爾等紳耆均宜共相護持爲親屬者尤當加意勉勵期於始終完貞邀 旌表之典增鄉里之榮儻有欺凌嫁賣等事卽據實 案以憑盡法究治保貞節以端風化惟爾等是賴焉

一孤貧宜加意周恤普濟堂舊收貧民二十九名本縣籌備經費又添收一百四十名爲數不少但境內無告之鰥寡孤獨或有恥食貧糧不肯投報而貧乏實難爲生爾等紳士耆老宜畱心體察或催令地保報縣或勸其親族收養或別議公項周濟隆

冬尤宜畱心

一義倉宜協力籌辦向奉 憲頒義倉規條最爲盡善本縣剴切
申諭至再至三迄未聞有辦者試思本村捐穀遇荒仍濟本村
何樂不爲以豐年之有餘濟荒年之不足貧者得以救死富者
得以安居又何樂不爲是在爾紳耆等協力籌辦不勝佇望
一積穀備荒係指平時歲稔而言非謂歉時擡價居奇也今有爲
富不仁之家因天時偶有旱澇不齊輒擡價閉糴甚至爭買居
奇以致市價日昂愈貴而愈不出糴及轉歉爲豐糧價減落則
所囤之糧必虧原買之價卽因此獲利天亦必暗減其福爾等
如能於糧價漸昂之時糶積粟以平市價遇災歉之歲散錢米
以濟貧乏勿存刻薄慳吝之心勿取囤積待貴之利必能昌子
孫綿福澤所謂福緣善慶不可不知也
一居家最宜節儉舞民並不講究穿喫並不講究房屋玩器風氣
極爲樸素獨於婚葬弔賀賽會應酬往往愛要好看恐自是踵
事增華難免絀乏至於成數畝之契解一事之紛無不擺桌請
酒尤覺可厭諺有云儉生富奢生貧爾等宜知警戒
一各鄉村敬神祈福何必定要唱戲會首人等按門勒派逐戶催
收竟如年例一般且每戲一臺賭博盜賊酗酒打架無弊不生

附近人家親來客往畱飯待茶以有用之錢財爭無名之體面何不大家商議以此項錢文作些好事如修橋修路施棺施藥掩骼埋胔最好是設倉貯穀畱待荒年省無益之糜費行利濟之仁心天道好還神必佑之此祈福之正道也

一天旱乞雨總宜許愿作些好事以贖已愆以祈神佑若擡輦降神得雨後斂錢唱戲豐年尚未可必浪費已多不支况馬不乃是沒廉恥之人沿街跳舞亂語狂言本近邪術例宜 懲此事有識者皆不樂爲而礙於違衆無人肯挺身出而阻之嗣後如有此事爾等稟官禁諭之則止矣

舞陽縣志

卷之六

風土

十三

一城鄉陋習每逢修廟修路及一切造作工程凡化緣上佈施必欲唱戲並厚待齋公習俗相沿牢不可破殊不知工程未動而捐項先耗其半竭民力而供浪費亦屬有千禁令該會首等當共相勸勉永遠革除

一保內牌戶如有不逞之徒作違條犯法之事例應送官究治豈容私立罰規唱戲了事此等事興訟到官欲責犯法之人私罰豈可再加官刑欲懲私罰之人恐小人因此逞刁長惡本以禁惡而致長惡何如送官究懲之爲便

一向來惡習差役執票下鄉不分應拘應傳概以鐵繩鎖拏地保

在鄉俗呼爲老官遇有尋常爭角細故或以戶婚錢債相訴者老官亦多以私鎖恐赫似此玩法作威小民受其荼毒本縣莅任後嚴加禁懲地保原差咸知悛改不敢私鎖惟差票本有拘傳之分原被証佐各宜查看牌票儻有不應拘而妄拘者許卽稟官按法究治

一演唱夜戲爲害最甚匪徒得以乘機掏摸婦女多被調姦拐逃更有遠來觀聽者門戶廢弛難免竊盜之虞偶失火燭更有延燒之禍故定例唱演夜戲者爲首之人杖一百枷號一個月不行查稟之地方保甲杖八十爾等地保會首各宜永遠遵行毋

得故違取咎

一門戶切宜謹慎舞境盜賊無多歲報竊案甚少間有呈報被竊者多係米麥襍糧竟有竊至數十石之多而當時毫無知覺者糧石非輕便易攜之物何致聲息無聞任賊人搬運負載而去賊經拏獲固當盡法處治爾等門戶廢弛致有進出可乘之隙亦屬自不小心後當嚴加防範勿再疎忽

一賣買房地總要兩相情願豈可勒賣勒買往往有以自己房地勒賣於親屬及地鄰逼令承買又有親屬地鄰強要承買不准地主賣於他人此等惡習告發到官均當究懲

一賣買房地一經立契成交速將糧銀開明過割免致日久漏忘
畱爲子孫之累至有地少糧多地盡糧存總宜細加訪查毋得
混賴他人或指公中瑩地妄思推卸舞陽舊俗瑩地於初置之
時卽將糧銀分撥各房並無專戶豈可指爲無糧至兄弟析產
糧銀總須分撥清楚一時含混貽累無窮

一典地向不過糧以糧錢付原業主完納謂之活糧往往因年久
不贖原業主或流離遠方糧銀積欠不完或已付糧錢而原業
主侵蝕不納或冀圖重索賴稱未收因而互相爭控種種弊端
受累不淺嗣後典當地畝務宜另立戶名隨時赴案註冊或於

某戶名下糧銀若干註明某人代完或將活糧錢文尋交義民
兌明爲原業主代納如此則糧不漏而弊可除當戶業主兩無
葛藤之患

一客民當本地人地畝多有於當價之外隨時添給錢文謂之復
價甚有原當十千而復價至二三十千者其意不過圖省稅契
之小費兼可詭避差徭藉復價爲久當之計殊不知地主因貧
當地復價至再至三過於賣價尙不滿欲豈肯聽爾等常佔便
宜故每見興訟到案明知價浮猶任意狡展勢不得不增價作
買或減價聽贖與其昂價當地滋累於日後何如立契買絕杜

弊於事先顛預巧詐之舉斷不可爲

一田房稅契隱匿者罰價一半入官民間皆知此例乃向來陋習每將契約交付親族及書差人等代稅致被侵蝕壓擱契歸無著設遇爭產興訟難免漏稅之咎受累匪輕今本縣酌定章程每逢放告之期該業戶攜帶文約當堂呈遞掛號毋庸另具呈詞如逢三日投稅之約卽於逢八日當堂發給逢八日呈約卽於逢三日稅給各宜遵照毋再混交旁人代稅致貽後累

一房基界址如果修房新佔自當清理退還若係遠年老屋總以現在牆根爲憑蓋目下雖係兄弟分居叔姪異院追思當日此

房成自爾祖上一人之手一時隨便修造豈可指爲壓佔今欲拆令取直洵爲非理之爭或析居後賣於他人亦准此論一經興訟無益而取辱

一房宅田地必有路以出入乃有將田房賣完而謂尙畱一路未賣此不過刁難鄉愚一經興訟不問契載有路無路若相連尙有未賣之業則斷爲夥路若已絕賣豈有賣數畝之房田而另畱三五尺之路者必斷爲已賣亦有老契本未註明有路地鄰因而刁難殊不知鄰人之路卽其路惟不准其於無路處開門戶踐田禾若行走他人共行之路誰能禁之爾等慎毋妄爭致

干究責

一買賣牲畜理應錢畜兩交方爲正辦乃舞邑風氣一經牙行估定價值只交一文馬兒錢卽將牲畜牽去經年累月指不償價名曰買畜實則誑騙及至控告到官騙買者雖已科罪被騙者受累已多爾等嗣後切毋大意

一囤糧放賬舖宜照例取息不可重利盤剝致干法究乃有射利之徒於春閒放賬約計新麥每斗值錢四百放給大錢二千文屆期還麥一石謂之麥錢及至麥熟有麥則還麥無麥照市價還錢無錢卽准折地畝三兩月之閒利倍於本秋閒之豆錢秫

秫錢芝蔴錢亦色色皆然此固出於用錢者之情願但以有限之籽粒償加倍之利債小民竭蹶難支本縣每遇此等詞訟雖訊得實情不爲已甚者誠恐執法過嚴有悞貧民之生計故仍酌斷或僅還本錢或薄給利錢從輕完結設以違禁取利科之爾等豈能當此罪戾乎此事甚險切宜痛戒

一集金會例所不禁但此事易起爭端一 之人最少在七八人以上一會之期最速在三五年以後貧 轉瞬遷移得失互相推諉及至興訟地方官以其非正經戶 錢債不過批中証理處卽令集訊明白准予究追而盤纏之費已多迫繳之數無幾

本縣莅任之始卽曉諭舊會酌斷新會概不准理近來此風已息爾等慎毋再趁高興而取煩惱

一舞邑向無邪教但防閑不可不嚴設有拜像念經斂錢起會及行蹤詭秘夜聚曉散或以禍福之言惑人者地保速卽稟究至於跑馬賣解教演拳棒玩耍熊虎及外來算卦賣藥之人多非善類毋得容留保內時交冬令更夫欄窩舖惡宜修整柳籬器械不可短缺孤廟破窑常爲偷兒住宿須隨時稽查驅逐棍徒貧婦每有竊剝菜苗搶拾麥穗等事雖年有禁令該地保務當剴切勸諭俾知安分守法地方益臻安靜

一賭博最爲民害耗財源而萌盜賊集游蕩而啟奸邪甚至引誘良家子弟墮入局中或逼寫地契或勒寫借約蕩產敗家爲害非淺本縣莅任以來嚴拏究懲並諭飭地保凡該管保內有開賭者無論知情與不知情俱重責枷號近來此風稍息各宜永遵律禁不可以身試法

一私宰耕牛及販賣與人宰殺者例應枷杖再犯者例應充軍地保鄰佑徇隱者併究民以食爲天農以牛爲本耕穫馱載全資牛力旣用其力又戕其命忍心無過於此舞邑居民多以宰牛貨賣爲事雖讀書之人亦不知戒相沿成風甚有以此爲供祭

燕賓所必需本縣不忍不教而誅曾於下車之始剴切示禁並查傳屠牛者五十一人押令出具甘結再犯充軍此風因以頓息小民既能遵化讀書之人更知法律尤當實力奉行病牛食之易生瘡毒傷命亦宜慎之

一鴉片烟種植煎熬漁利販賣一經敗露不但本人罪千軍遣卽房主地鄰均應連坐而買食之人現奉新例從重擬徒法律森嚴有犯必懲舞邑民風淳樸向無種烟熬土販賣之事後因有自粵省來者無知之徒向其學食此物耗財廢業伐性戕生眞與鳩毒無異向有因此致貧因此喪命者爾等皆所素知各宜

猛省有則改之無則加勉

一寡廉鮮恥之風莫過於賣妻女因貧而賣因不和而賣其事甚易毫無顧忌甚有以利動其夫其翁其父母而本婦遂亦情願棄貧適富此爲誘賣或先借給錢文糧食倍取利息而後議價准折是誘賣而又刁買矣背其夫翁父母引本婦同逃價賣此爲拐賣甚至興訟到官狡供夫家母家分得身價本婦亦隨同反噬是拐賣而又誣賴矣孀婦願守圖財逼賣或逼賣不從設計哄騙年少者誑語以省母年壯者詭言以探親因而畧賣之女已許人悔婚偷賣又恐偷賣干罪或以迎娶難其夫家或以

折磨責其婆母因而勒賣之此等無恥之徒惡薄之習從前尙不多見近來此風甚盛故有犯必懲不稍寬恕其應擬罪名各條例前已詳悉開列示諭爾愚民當痛加改悔勿仍蹈前轍爾紳耆宜隨時勸勉期力挽頹風慎毋聽之藐藐可也

一詭寫匿名帖子黏貼通衢訐人陰私最爲風俗人心之害故定例不問事之虛實將黏貼之人絞監候有犯必懲罪無可逭况匿名帖子指人缺陷之處不必皆眞經衆傳揚之餘儼然若實醜聲自此而著綽號由此而傳受之者恨入骨髓如此傷和氣必至減福召殃慧心者自當痛悔

一圖賴宜禁女子出嫁爲媳果能孝順公婆敬重丈夫公婆豈不愛惜丈夫豈不喜歡若常聞公婆打罵夫婦反目已不是賢孝之人遇有病亡這是數由前定即使短見亦是 取之罪乃有一聞女死母家男婦不問緣由不分曲直總說死得不明打罵他尊長毀壞他器具裝殮要奢靡埋葬要體而稍不如願便興詞告狀試問告狀之後誰曾得意詐擾太甚反要問罪那及將就殯埋姻親仍在至若男子輕生屍親圖賴他人此等案情爾等曾見輕生者誰與抵命圖賴者誰曾得錢各宜警戒毋再效尤

一舞民好訟而不健訟往往有起衅甚微明知理曲竟敢喊冤遞呈及至訊虛受責則又帖然無詞察其結案後而翻控者百無一焉結案後而上控者千無一焉至於雀鼠紛爭乃一時之小隙而架詞訐告實干虛誣之條訟則終凶豈可嘗試傾家蕩產皆由於此慎之戒之

一不甚要緊之事往往邀衆赴縣聯名呈瀆其中亦有不願隨同者礙於情面不得不隨殊不知有理之人官自超雪他何庸公保無理兇惡之人官自懲創他何庸公舉且因此拖累案內亦多不便此等陋習急宜改除

一唆訟幫訟謂之訟師舞邑民風淳樸幾於絕無其人間有挑唆播弄總是消沮閉藏亦不敢始終爲蠱爾等試思若輩伎倆不過以輕報重希圖聳聽一經審虛必要問罪控告之情形既重所得之罪名亦嚴是欲藉其幫反受其累况乎聽人播弄案必拖延及至悔悟而已耗財廢業久矣切宜慎之

一鬪毆宜禁同井共里之人有甚嫌讎卽或一言相激一事忿爭只宜忍耐三分便可從容解悟若彼此相持各圖取勝刀棍木石舉手相加那管致命部位橫行毆打一經失手釀成命案遂至坐監問罪引頸受刑父母妻子不能相顧斬絞抵命屍首分

離到了此時悔之何及各地方中年老之人須當時時提醒
少年子弟毋逞血氣之強免遭喪身之禍

一尋常爭辯亦宜忍讓族鄰中忍得幾句閒話讓得幾椿閒事我
本無甚喫虧偏能養我德性不但鄉里皆知敬服亦可使子弟
效法而行世世受福無窮此理爾紳士自應悟得更不可以大
姓欺小戶以土著欺客人

一南山有外來興國州及安徽等處民人開種山地者往往一家
自成一莊耕耘收穫固以居近地畝爲便及至冬閒宵小易生
孤莊獨戶守望極難若能併居大村則人烟稠密彼此聲勢聯

絡設有賊警呼應相通可資防禦此事難於官爲限制惟在各
客民自籌方便山閒種地之戶住房每間修葺工料所費僅一
二千文一戶不過三四閒房棄置山中所損亦甚有限併居大
村另置一二閒亦可棲身保家防患當熟籌而善處之

一南鄉界連泌遂等邑往往有捻匪乘隙來擾守望宜嚴捕捉宜
力乃該處商民人等祇知各守門戶不敢併力擒拏推究其由
以爲非在官人役恐與捻匪結仇此等迂拘之見大失守望相
助之義今本縣於尙店羅寨辛安等保各有點派壯丁捐給號
衣號帽器械往來巡查各鄉亦均飭派門夫支更警跡偶遇有

警卽鳴鑼爲號邀同地保壯丁莊鄰齊力兜拏如有畏縮坐視
許卽指名稟究至賊匪就擒固不可擅殺干罪儻實因格鬪致
斃例得勿論各宜協力堵禦慎毋因循觀望

以上六十條皆切中舞民之弊本縣每於聽斷詞訟及接見
紳耆隨時隨事諄諄以此指諭又節次專條出示曉諭今特
逐條詳切開示願我紳耆庶民各加省悟有此弊者不可不
知知之不可不改毋以爲迂濶毋視爲具文如果實心遵奉
風俗益臻淳美本縣有厚望焉

物產

舞陽縣志

卷之六

風土

穀之屬小麥 大麥 穀 黍 稷 糯黏 粳不黏 高粱

玉蜀秫其穗去粒名棒年久不蛀不腐磨爲末可和麪食於備荒宜 脂麻有白黑紅三種黑者名巨勝卽胡麻

黃豆小者小黃豆微大者四子豆尤大者 小豆有赤白黑三種 黑豆 菘豆 豇

豆 花豆 豌豆 菹豆與麥同種同熟與眉豆不同 蠶豆 龍爪豆 苡

麥 芟草子可作酒醋可飼牲畜亦有食者 菜子可作油嫩時可食謂之油菜

蔬之屬白菜 黑白菜 葱 韭 蒜 薑 芥 山藥 金針

百合 乾蘆 秦椒 菠菜 蔓菁 蘿蔔有紅白兩種 胡蘿蔔

有紅黃兩種 香菊 胡荽 苦蕒菜 芹旱 莧菜卽銀菜 馬齒莧

眉豆卽本草扁豆有紫白兩種又有羊角豆四季眉豆 刀豆 茄 王瓜 瓠子

壺蘆 萵苣 生菜 茴香 茼蒿 薺菜 藟藟芽 絲瓜

菜瓜 地瓜 南瓜瓜即倭 北瓜 紅薯 芋頭 冬瓜 稍瓜

菜豆角 五香菜 拳菜菜即蕨 壺瓶嘴 珍珠菜 木耳

葛華 山丹花

果之屬杏 桃 李 柰 梨 柿 棗 栗 核桃 棠棣沙即

果 羊棗 櫻桃 花紅 蘋婆 蒲萄 山查 石榴 銀杏

即白 西瓜 甜瓜 蓮實 藕 菱 芡 荸薺 慈姑 甘

蔗 甘露子生土中形如螺可生啖 地梨 棉棗生山中

木之屬柏 檜 楊 柳 槐 榆 椿 樗土人呼為臭椿其葉水浸亦可食

舞陽縣志

卷之六

風土

二十四

桑 梓一名木王 楸梓類花似梓而不結莢 桐 棟 柘 橡 阜筴

黃楊 冬青 三川柳 枸杞 枸橘俗謂之鐵黎寨採而乾之名鹿角菜 枸骨

又名貓兒刺 詩南山有枸 棕 椒 竹有紫白兩種又有羅漢竹高不盈尺 白蠟條

花卉之屬桂 蕙 梅 牡丹 芍藥 海棠 鐵角海棠 菊

種類甚多 藍菊 葵 蜀葵 馬鞭 地棠 不香 丁香 梔子

玫瑰 月季 瑞香 迎春 長春 繡毬 木槿 刺藤

玉蘭 木筆 茶蘼 絳桃 緋桃 荊花即合歡 十姊妹 石

榴 海榴 凌霄 紫荊 夾竹桃 紫薇 天竹 芭蕉 萱

草即宜男 鳳仙 金錢 石竹 雞冠 秋海棠 玉簪 仙人

掌 晚香玉 老來嬌 紅蓼一名水紅花 蓮 浮蓮開小白花其大如錢

鸞粟 木芙蓉

草之屬茅草 淮草 苜蓿 荻 葦 蘆三者俱可為席 蓬 蒿

萊 葛 藜 莎草 狗尾草莠也 稗草 艾 馬蘭 倉耳

野菊 浮萍 水藻 蘋 星星草 苔在水曰石髮曰水衣曰石衣在陸曰綠錢曰土

花在屋曰昔邪在牆曰垣衣

藥之屬桔梗 蒼朮 防風 龍膽草 射干 柴胡 前胡

香附 沙參 苦參 地榆 木瓜 荆芥 薄荷 車前子

益母草 金銀花 天花粉 夏枯草 丹參 茜草 紫草

舞陽縣志 卷之六 風土 二十五

王不留行 山豆根 括蕞仁 兔絲子 稀莨草 地骨皮

急性子鳳仙子 天冬 草烏 地丁 獨活 白微 白朮 青

箱子 三稜 紅花 甘葛 何首烏 甘菊 牽牛 青蒿

陸 三七 桑白皮 葦麻子 地膚子 慧苡仁 菖蒲

黃精 燕麥 篇蓄 細辛 芫花 紫蘇 茵陳 蘄艾 勒

馬回 番白草 葶藶 夜明砂 班蝥 蟬蛻

獸之屬牛 水牛 騾 驢 豬 羊 犬 猫 兔 狼 獾

狐 狸俗謂之山猫 貉 鼠 臊鼠即黃鼠狼 地老鼠生田野間

禽之屬鵝 鴨 雞 燕 雁二者春秋去來非土產 黃鵠 黃鸝 喜

